

Limba islandesa

Su **islandesu** est una limba indoeuropea chi pertenet a s'ala germanica. Est sa limba uffitziale de s'Islanda e la faveddan unas 300.000 pessones.



Articulu in nugoresu



Istòria

In s'edade de Mesu, prima galu de s'imbentu de s'iscritura, in Islanda e goi puru in atteros trettos nordicos (Isvetzia, Danimarca e Norvegia) si chistionabat su norrenu, chi a nois est bènniu mascamente gràssias a poesias, nadas *Skáldskapur*, chi sos poetas (sos *Skáld*) cumponian e cantaban. Issos an tramandau bona parte de s'istoria de sos paìsos nordicos.

S'occupassione danesa de s'Islanda, addurada dae su 1380 a su 1918, no at tentu belle peruna influentzia in s'evolumentu de sa limba islandesa, ca sa populassione sichiat a la impreare pro sas comunicassiones de cada die. Su danesu si impreabat petzi pro sas comunicassiones uffitziales, e goi puru s'inglesu in s'occupassione americana chi b'andat dae su 1940 a sos annos '50.

In su 1944 sa costitussione nat chi s'islandesu est sa limba uffitziale de istadu e, dae tando, est s'unica a esser autorizada in sos iscrittos uffitziales o arresonos prubicos.

S'isolamentu de s'Islanda, paris chind una forte e resistente cultura iscritta, an fattu a manera chi sa limba antica si fit mantesa benissimo, abbarrande belle comente fit milli annos fachtet, de manera ispetziale pro su chi pertoccat s'iscrittu ma finas s'orale, tantu chi s'islandesu est a como, tra tottu sas limbas nordicas, cussa chi prus s'assimizat a su norrenu: un'islandesu, oje in die, podet leghere chene problemas una saga chi sos anticos suos aian iscrittu in su seculu de XIII.

Particularidades in grammatica, chi in atteras limbas sun iscumpartas o si an evòlviu, sun abbarradas belle goi in islandesu. In prus in Islanda, pro more de una politica limbistica chi dàet cara a su purismu, si fachtet meda attenzione a non che facher intrare paragulas istranzas e sos faveddos novos sun un imbentu chi picat dae su vocabolariu islandesu chi ja b'est.

Si assimizat meda a s'islandesu su faroesu, sa limba de sas ìsulas Fær Øer.

Bogadu dae "https://sc.wikipedia.org/w/index.php?title=Limba_islandesa&oldid=158064"

Ùrtima modìfica su **31 Mar 2019**, a is **12:52**.

Su testu est disponìbile segundu sa litzèntzia Atributzione Creative Commons-Cumpartzi a sa pròpria manera; si podent aplicare prus cunditziones galu. Abbàida is cunditziones de impreu pro is particulares.



Mapa de s'isparghidura